

考

譯

大方廣佛華嚴經卷第三



一百五
坐三

大方廣佛華嚴經卷第三

東晉天竺三藏佛陀羅等譯

盧舍那佛品第二

今時諸菩薩眾及一切世界諸王咸作是念
何等是一切諸佛地佛境界佛持佛行佛力

佛無畏佛三昧佛自在佛勝法示現陳菩提佛

眼耳鼻舌身意諸根佛光明音聲佛智海世

界海眾生海法界方便海佛海波羅蜜海法

門海化身海佛名号海佛壽量海一切菩薩

所修行海發大乘心出生諸波羅蜜願智慧

藏唯願如來慈悲方便發起我心令得開解

47818

時諸菩薩佛神力故一切供養具中出自然
音而說偈言

如來無量曠劫行

自然正覺出世間

於當來世無量劫

身應一切如大雲

斷衆生疑永無餘

出生勝力得解脫

滅除世間無量苦

令一切得正覺樂

無量剎塵諸菩薩

一心合掌觀最勝

隨彼所願諸境界

斷除疑惑開法門

何等一切諸佛地

大聖境界佛護持

佛無上智力無畏

願為佛子平等現

無量如實諸三昧

諸清淨行深妙法

大聖神力無有邊

興大雷雲雨衆生

悉入法王如實趣

於最勝境不退轉

及無量佛諸功德

願起慈悲悉令見

如來眼根無限量

耳鼻舌身亦如是

佛意如實難思議

願令眾生悉知見

佛國土海衆生海

諸法界海調伏海

佛海無量無邊際

願令佛子平等見

波羅蜜海不思議

無上方便法門海

無量無邊法門海

願在道場具足說

亦時世尊知諸菩薩心之所念即於面門及

一一齒間各放佛世界塵數光明所謂寶幢

照光明法界妙音莊嚴光明生樂垂雲光明

佛十種力嚴淨道場光明一切寶炎雲光明

清淨無礙充滿法界光明能成一切世界光
明淨寶金剛日幢光明往詣菩薩大眾光明
演出諸佛語輪光明如是等一一光明各有佛
世界塵數光明以為眷屬一一光明照十佛
土微塵等刹彼諸菩薩見此光已得覩蓮華
藏莊嚴世界海佛神力故於光明中而說偈言
無量劫海修功德坐古化嚴卷三
教化無量衆生海
放大光明照十方
隨衆生器而開化
佛於往古生死中
於一念中悉解脫
供養十方一切佛
盧舍那佛成正覺
諸毛孔出化身雲
令得方便清淨道
調伏一切諸君王
世雄無量得自在

深心淨信普莊嚴
與諸刹海塵數等
出微妙音遍十方
無量方便化衆生
人尊如是德無量
如佛刹等微塵數
各雨一切供養具
如來所說一語中
於一切衆雨甘露
三世諸佛無上願
亦非集在一念中
盧舍那佛大智海

往修滿足波羅密
堅固安住一切力
具足實智滿衆心
是師子吼寂靜法
應詣供養聽受法
最勝諸子詣如來
一心恭敬觀道師
演出無邊契經海
恭敬往詣兩足尊
大聖道場分別說
宜速時詣觀最勝
光明普照無有量

如實觀察眞諦法

普照一切諸法門

尔時蓮華藏莊嚴世界海東次有世界海名
淨蓮華勝光莊嚴中有佛刹名衆寶金剛藏
佛号法水覺虛空法王於彼如來大衆海中
有菩薩名觀勝法妙清淨王爲佛光明所開
發已與世界海塵數菩薩眷屬圍遶來向佛
所充滿十方一切虛空興十種寶色光明華
雲悉皆彌覆充滿虛空十種妙寶須彌山雲
十種日輪雲十種寶華雲十種妙寶樓閣藏
雲十種華樹雲十種妙香現衆色雲十種一
切妙音聲雲如是一切悉皆彌覆充滿虛空
來詣佛所供養恭敬禮拜已在於東方雜花

光藏師子座上結加趺坐此世界海南次有
世界海名衆寶月光莊嚴藏中有佛刹名無
量光嚴佛号普智光勝須彌山王於彼如來
大衆海中有菩薩名清淨海慧爲佛光明所
開發已與世界海塵數菩薩眷屬圍遶來向
佛所興十種一切妙莊嚴藏衆寶王雲悉皆
彌覆充滿虛空十種普莊嚴寶王雲十種妙
寶藏熾然照明歎佛功德寶王雲十種妙音充
滿讚歎寶王雲十種菩提樹莊嚴道場寶王
雲十種普門光明佛變化寶王雲十種不壞
衆光明示現寶王雲十種香燈照一切刹充
滿寶王雲十種不可思議佛刹如來宮殿普

現寶王雲十種雜寶三世諸佛法身光明寶
王雲悉皆彌覆充滿虛空來詣佛所恭敬供
養禮拜已在於南方青色蓮華師子座上結
加趺坐此世界海西次有世界海名寶光樂
中有佛刹名一切勝觀佛号香光生功德寶
莊嚴於彼如來大衆海中有菩薩名香炎平
等莊嚴月光為佛光明所開發已與世界海
塵數菩薩眷屬圍遶來向佛所興十種一切
雜寶香華樓閣雲悉皆彌覆充滿虛空十種
一切色寶王莊嚴樓閣雲十種一切寶幢香
炎樓閣雲十種一切解脫莊嚴樓閣雲十種
一切寶華鬘雲十種一切寶鬘莊嚴寶樓閣

雲十種十方普光明藏照一切莊嚴樓閣雲
十種一切寶莊嚴無量莊嚴悉現樓閣雲十
種普滿莊嚴樓閣雲十種無量華樂雲悉皆
彌覆充滿虛空來詣佛所供養恭敬禮拜已
在於西方金色雜寶莊嚴蓮華藏化師子座
上結加趺坐此世界海北次有世界海名琉
璃寶光滿藏中有佛刹名化青蓮華莊嚴佛
号無量智慧音王於彼如來大衆海中有菩
薩名師子光莊嚴為佛光明所開發已與世
界海塵數菩薩眷屬圍遶來向佛所興十種
一切香雲悉皆彌覆充滿虛空十種一切青
色華雲十種一切妙寶樹雲十種一切諸雜

無雲十種一切寶莊嚴雲十種一切寶雷音
去十種一切妙音聲雲如是一切悉皆彌覆
允滿虛空來詣佛所供養恭敬禮拜已在於
北方大燈變化師子座上結加趺坐此世界
海東南方次有世界海名閻浮檀玻瓈色幢
中有佛刹名寶莊嚴佛號一切法燈無所

坐古花嚴卷二

陳鼎

師畏於彼如來大衆海中有菩薩名無盡勝
燈功德法藏為佛光明所開發已與世界海
塵數菩薩眷屬圍遶來向佛所興十種無量
色蓮華藏師子座雲悉皆彌覆充滿虛空十
種師子座雲十種一切莊嚴具莊嚴師子座
雲十種燈明師子座雲十種能出十方一切

衆寶師子座雲十種一切香鬘師子座雲十
種一切諸佛莊嚴示現師子座雲十種一切
寶臺欄楯莊嚴師子座雲十種一切寶樹莊
嚴師子座雲十種曰莊嚴師子座雲皆悉彌
覆充滿虛空來詣佛所供養恭敬禮拜已在
東南方夜光幢寶藏師子座上結加趺坐此
世界海西南方次有世界海名普照莊嚴中
有佛刹名香勝離垢光明佛号一切衆生普
歡喜王於彼如來大衆海中有菩薩名普智
光明慧燈爲佛光明所開發已與世界海塵
數菩薩眷屬圍遶來向佛所興十種如意寶
王雲悉皆彌覆充滿虛空十種青色寶雲十

種一切香雲十種一切幡雲十種一切妙色
莊嚴雲悉皆彌覆充滿虛空來詣佛所供養
恭敬禮拜已在西南方衆寶師子座上結加
趺坐此出界海西北方次有世界海名善光
照中有佛刹名意入佛号普門智慧意八明
淨音於彼如來大衆海中有菩薩名無量華
照垂髻爲佛光明所開發已與世界海塵數
菩薩眷屬圍遶來向佛所興十種一切雜寶
輪蓋雲悉皆彌覆充滿虛空十種華蓋雲十
種解脫蓋雲十種寶王蓋雲十種雜寶蓋雲
十種普寶蓋雲十種瑠璃寶王蓋雲十種一
切香蓋雲悉皆彌覆充滿虛空來詣佛所供

養恭敬禮拜已在西北方衆善光明幢師子
座上結加趺坐此世界海東北方次有世界
海名寶照光明藏中有佛刹名香莊嚴樂勝
藏佛号無量功德海於彼如來大衆海中有
菩薩名無盡清淨光明王爲佛光明所開發
已與世界海塵數菩薩眷屬圍遶來向佛所

坐古花嚴卷三五

陳昇

興十種一切寶光輪雲悉皆彌覆充滿虛空
十種光輪雲十種華雲十種如來變化輪雲
十種一切佛境界輪雲十種一切功德寶雲
十種一切衆生樂不可盡示現雲十種一切
諸佛所願示現雲悉皆彌覆充滿虛空來詣
佛所供養恭敬禮拜已在東北方清淨光明

不可盡師子座上結加趺坐此世界海下方
次有世界海名蓮華妙香勝藏中有佛刹名
寶師子光佛号明照法界於彼如來大眾海
中有菩薩名光照分別法界為佛光明所開
發已與世界海塵數菩薩眷屬圍遶來向佛
所興十種一切寶光明雲悉皆彌覆充滿虛
空十種一切香光明雲十種諸佛師子吼雲
十種一切佛刹功德莊嚴雲十種一切華樓
閣雲十種一切座莊嚴雲悉皆彌覆充滿虛
空來詣佛所在於下方寶藏師子座上結加
趺坐此世界海上方次有世界海名雜寶光
海莊嚴中有佛刹名樂行清淨佛号無礙功
德稱離闇光王於彼如來大眾海中有菩薩
名無障礙力精進慧為佛光明所開發已與

德稱離闇光王於彼如來大衆海中有菩薩
名無障礙力精進慧爲佛光明所開發已與
世界海塵數菩薩眷屬圍遶來向佛所興十
種一切無量妙色寶照雲悉皆彌覆充滿虛
空十種無量光普照雲十種一切莊嚴照明
雲十種香炎雲十種一切莊嚴雲十種佛光
炎雲十種寶樹華炎雲十種一切寶樹堅固
光明雲十種一切勝光明雲十種一切菩薩
所行示現雲十種一切解脫光明雲悉皆彌
覆充滿虛空來詣佛所供養恭敬禮拜已在
於上方妙音勝蓮華藏師子座上結加趺坐
如是等十億佛刹塵數世界海中有十億佛

刹微塵數等大菩薩來一一菩薩各將一佛
世界塵數菩薩以為眷屬一一菩薩各與一
佛世界微塵數等妙莊嚴雲悉皆彌覆充滿
虛空隨所來方結加趺坐彼諸菩薩次第坐
已一切毛孔各出十佛世界微塵數等一切
妙寶淨光明雲一一光中各出十佛世界微塵

坐

古花嚴卷三

六

陳鼎

數菩薩一一菩薩一切法界方便海充滿一
切微塵數一一塵中有十佛世界塵數佛刹
一一佛刹中三世諸佛皆悉顯現念念中於
一一世界各化一佛刹塵數衆生以夢自在
示現法門教化一切諸天化生法門教化一
切菩薩行處音聲法門教化振動一切佛刹

建立諸佛法門教化一切願海法門教化一切衆生言詞入佛音聲法明教化一切佛法雲雨法門教化法界自在光明法門教化建立一切大衆海於普賢菩薩法門教化以如是等一切法門隨其所樂而教化之於一念頃能滅一切世界中各如須彌山塵數衆生諸惡道苦各如須彌山塵數衆生今離邪定立正定聚各如須彌山塵數衆生今立聲聞緣覺地各如須彌山塵數衆生立無上道各如須彌山塵數衆生立一切不可盡功德智慧地各如須彌山塵數衆生今立盧舍那佛願性海中今時諸菩薩光明中以偈頌曰

一切光明出妙音
佛子功德悉成滿
無量劫海修行道
不自計己生死苦
無量無邊無有餘
遍行一切諸法門
一切三世佛所願
佛子饒益諸衆生
皆能往詣諸佛所
佛子智海無邊底
一光明中有無量
清淨慧眼照諸法

說諸菩薩具足行
普遍一切十方界
欲令衆生離苦故
佛子善入大方便
窮盡一切大海劫
善說微妙寂靜法
皆得清淨具足滿
能自具行清淨道
清淨法身照十方
普觀諸法寂滅相
無上大慈難思議
此是佛子妙境界

一毛悉受諸佛刹

又能振動諸國土

能令衆生無怖想

是名清淨方便地

一一塵中無量身

復現無量莊嚴刹

於一念中皆悉見

是無障礙淨法門

三世所有一切劫

於一念中能悉現

猶如幻化無所有

是名諸佛無礙法

坐 古光光夜 卷三

七

陳昇

普賢諸行皆具足

能令衆生悉清淨

諸佛子具自在法

一一毛孔師子吼

尔時世尊欲令一切菩薩大衆知佛無量無

邊境界自在法門故放眉間白毫相一切寶

色燈明雲光名一切菩薩慧光觀察照十方

藏此光遍照一切佛刹於一念中皆悉普照

一切法界於一切世界雨一切佛諸大願雲
顯現普賢菩薩示大眾已還從足下相輪中
入於彼復有大蓮華生以衆寶爲蕊一切寶
王爲莊嚴蔽其葉遍覆一切法界一切寶香
莊嚴其鬚閻浮檀金以爲其臺此華生已如
來眉間有一大菩薩出名曰一切諸法勝音
與世界海塵數菩薩衆俱右遶世尊無量而
已退坐蓮華臺上眷屬菩薩坐蓮華鬚一切
諸法勝音菩薩成就無量法界歡喜隨順諸
佛境界深智度不可思議佛海光明悉能往
詣一切佛所尔時一切諸法勝音菩薩以偈頌曰
佛身充滿諸法界
普現一切衆生前

應受化器悉充滿

佛故處此菩提樹

一切佛刹微塵等

亦所佛坐一毛孔

皆有無量菩薩眾

各為具說普賢行

無量刹海處一毛

悉坐菩提蓮華座

遍滿一切諸法界

一切毛孔自在現

尔時師子炎光奮迅音菩薩以偈頌曰

盧舍那如來

轉清淨法輪

一切法方便

如來雲普覆

十方國土中

一切世界海

佛願力自在

普現轉法輪

一切佛土中

無量大眾海

言号各不同

而轉淨法輪

盧舍那佛神力故

一切刹中轉法輪

普賢菩薩願音聲

遍滿一切世界海

法身充滿一切刹

法相不生亦不滅

無量無數億劫中

盧舍那佛妙音聲

一切佛刹微塵數

一一光中有諸佛

坐 古花嚴 卷三

法身堅固不可壞

普能示現諸色身

三世無量諸佛刹

一切音聲及名字

過去未來及現在

彼聖能令一切聞

普雨一切諸法雨

悉照一切諸世間

一切佛刹微塵道

具足演說本所行

大光明網照十方

以無上道化衆生

八 陳昇

充滿一切諸法界

隨應化導諸羣生

其中一切諸道師

普見諸佛力自在

如是一切諸道師

不可思議正法輪

如此四天下道場上見佛神力一切菩薩大
衆雲集一切世界海中亦復如是。爾時普賢
菩薩於如來前坐蓮華藏師子之座。即入一
切如來淨藏三昧。正受普照一切法界諸如
來身無所障礙。離垢滿足。猶如虛空。普賢菩
薩於此世界三昧正受盡法界虛空界等一
切佛刹亦復如是。普賢菩薩入是三昧已十
方世界海諸佛悉現。彼諸如來各各讚言。善
哉善哉。善男子。汝乃能入此三昧正受。皆是
盧舍那佛本願力故。又汝於諸佛所清淨行
願力故。所謂轉一切諸佛法輪。故開一切如
來智慧海。故盡度一切諸法方便。及十方海

悉無餘故除一切衆生煩惱得清淨故能到
一切諸佛國土無障礙故入一切諸佛境界
無礙故一切諸佛普門功德滿足故入一切
法方便深樂一切智故方便觀察一切世間
法故知一切衆生諸根海故亦時一切諸佛
與普賢菩薩入一切智力與入無量無邊法
界智與能詣三世諸佛所智與一切世界海成
壞智與入無量衆生界智與佛甚深法門智
與一切不壞三昧住智與入一切菩薩諸根海
智與一切衆生語言海轉法輪辭辯智與一
身遍滿一切世界智與一切諸佛音聲智何
以故以得此三昧法故亦時十方諸佛各伸

右手摩訶普賢菩薩頂忒時一切菩薩見十方
佛各伸右手摩訶普賢菩薩頂已彼諸菩薩一
心恭敬觀察普賢菩薩即時同聲以偈頌曰
於諸佛所修善法

出生清淨妙法身

一切諸佛國土中

古花散 卷三

九

十方世界無不見

悉見十方一切佛

能於一一微塵道

一切十方佛世界

常見普賢具佛子

法身充滿諸法界

滿足一切大願力

如實平等同虛空

普賢菩薩常依住

陳昇

無量功德智慧海

清淨身行功德海

普皆示現一切刹

無量微塵諸劫數

無量三昧方便行

一切十方佛國土

遍遊一切衆生海
永度無量諸法界
其身周遍滿虛空
一切功德海中生
堅固衆生清淨行
無量無數大劫中
無量無邊諸法雲
一切佛土如實性
普入一切衆生海
無量無邊大衆海
無量深廣智慧海
盧舍那品下

安住深妙清淨法
離衆煩惱不可壞
廣說無量諸佛法
普放光明如大雲
微妙音說佛境界
修習普賢甚深行
雷震演說勝法界
十方修習淨莊嚴
如應為說清淨法
一心恭敬觀普賢
願轉清淨妙法輪

尔時普賢菩薩承佛神力觀察一切諸世界
海一切衆生海法界業海一切衆生欲樂諸
根海一切三世諸佛海已普告普賢菩薩大衆海
言佛子諸佛一切世界海成敗清淨智不可
思議一切衆生界起智觀察法界智一切如
來自在智清淨願轉法輪智力無所畏不怯

法智光明讚歎音聲智三種教化衆生智無
量三昧法門不壞智如來種種自在智如是
等一切皆不可思議我當承佛神力具足演
說欲令一切衆生入佛智海尔時普賢菩薩
從彼三昧起從世界微塵等三昧起念念中
不壞方便智一切三世三昧起時彼一切諸

菩薩衆一一皆得世界塵數諸三昧世界塵
數方便法海方便辯海諸行願海如此會菩
薩所得功德一切世界海一切如來衆海諸
菩薩衆所得功德亦復如是是時一切世界
六種震動一切衆生安隱悅樂一切衆寶種
種莊嚴一切如來大衆海中雨十種寶王雲
所謂勝金色幢寶王雲佛光明照寶王雲金
蓮華寶王雲菩薩辯才光明寶王雲一切妙
音衆寶王雲莊嚴佛土道場寶王雲一切菩
薩無量功德光明輪妙音寶王雲一切如來
毛孔及諸光明以偈頌曰

普賢悉在一切佛刹 坐寶蓮華 師子座上

如是示現遍一切界 普入無量 無邊諸行

悉能示現無量種身 變化充滿 十方世界

妙音和雅說法無礙 一切三昧 方便自在

一切佛土諸如來所 一切三昧 皆得自在

悉能了知最勝境界 示現普賢 無量自在

如一切土諸如來前 一切刹塵 諸世界中

普賢自在亦復如是 盡盧舍那 本願底故

普賢身相猶如虛空 依於如如 不依佛國

現身無量普應衆生 隨羣萌類 爲現化故

一切世界無量佛土 悉能示現 入諸法門

普賢菩薩具足淨願 如是等比 無量自在

一切衆海無量無邊 各於佛土 示現清淨

如是一切身中悉現隨其起滅一念悉知
今時普賢菩薩欲令大眾重歡喜故以偈頌曰
諸佛深智功德海
方便隨眾所應見
不可思議佛刹海
最勝導師照一切
眾生大海難可測
眾生樂惡著諸見
功德法海長養心
恒為諸佛所護念
離諸諂曲心清淨
深心淨信無厭足

盧舍那佛轉法輪
於無量劫今清淨
悉能調伏眾生海
諸佛境界不思議
不能了知無上道
常能親近善知識
是等能度得上智
廣大慈悲無邊際
彼聞是法喜無量

普賢菩薩諸地願
遊心法界如虛空
一切菩薩得善利
非餘境界之所知
無量無邊諸衆生
於一切處轉法輪
一切刹土及諸佛
我於一切毛孔中
普賢菩薩所願行
普眼境界清淨身

今時普賢菩薩告諸菩薩言佛子世界海有
十種事去來今佛之所演說所謂說世界海

安諦善住能順行
是人乃知佛境界
能見自在最勝尊
普賢方便皆得入
一切如來所護念
盧舍那佛境界力
在我身內無所礙
現佛境界諦觀察
無量無邊悉具足
我今演說仁諦聽

起具因緣世界海住世界海形世界海體世
界海莊嚴世界海清淨世界海如來出世世
界海劫世界海壞方便世界海諸佛子世界海有
如是等十種事爲首乃至有世界海塵數種
事諸佛子當知一切世界海有世界海塵數
因緣具故成已成今成當成所謂如來神力
故法應如是故衆生行業故一切菩薩應得
無上道故普賢菩薩善根故菩薩嚴淨佛土
願行解脫自在故如來無上善根依果故普
賢菩薩自在願力故如是等世界海塵數因緣
具故一切世界海成今時普賢菩薩以偈頌曰
佛智境界不可思議自在善住悉皆如是

無量無邊 諸世界海 盧舍那佛 悉能嚴淨
如應化度 一切菩薩 無量願海 皆悉清淨
十方佛土 一切衆生 以不思議 而覺悟之
一切菩薩 無量自在 度一切智 方便法門
出生一切 無量願海 起諸世界 猶如虛空
普行一切 菩薩善行 入佛境界 無量無邊

悉能嚴淨 十方佛刹 一一佛土 無量劫行
衆生心境 不可思議 業能悉起 一切刹海
衆生垢穢 國不清淨 行業無量 世界不同
諸佛刹海 淨莊嚴藏 離垢雜寶 以為校飾
長養無垢 弘誓願海 佛子能淨 無數國土
若有菩薩 修普賢行 常能履行 清淨法界

當知是等功德如佛能出無量如來刹海

於一念中悉遍十方能現一切菩薩所行

甚深清淨猶如虛空等空界者自在如是

一切道場諸如來前坐寶蓮華現眾妙色

於其身內容一切刹又一念中示現三世

入巧方便起諸刹海於三世國示現成佛

盧舍那佛此土清淨眾寶成就無有邊際

尔時普賢菩薩告諸菩薩言佛子一切世界

海所依住如世界微塵數所謂依一切莊嚴

住或依虛空住或依一切寶住或依佛光明

住或依幻業住或依摩訶那伽金剛力士掌

中住或依普賢菩薩願力住是時普賢菩薩

以偈頌曰

無量無邊佛刹海

摩尼寶王清淨照

清淨刹海住虛空

暢發無量微妙音

種種華光善喜樂

無量光網彌覆上

無量無邊妙蓮華

清淨國土甚奇妙

或有諸佛清淨土

見離垢淨眾妙寶

或有諸佛清淨土

離垢妙寶以莊嚴

最勝威神靡不見

寶王妙藏光普照

宣揚佛道靡不欣

如意寶珠為莊嚴

種種香雲遍充滿

青瑠璃寶以為臺

一切諸佛莊嚴故

以佛威神得安住

無量菩薩悉充滿

金剛力士掌中住

十方卅雄盧舍那
或依寶樹平正住
有依水輪住堅固
有住金剛勝妙幢
無量自在一切處
衆雜異色長光明

常爲一切轉法輪
依香炎雲亦如是
或依金剛海座住
種種寶華彌覆上
盧舍那佛令衆見
普流一切佛世界

諸化佛雲神力自在於微塵中善住佛刹
盧舍那佛現法如是

尔時普賢菩薩告諸菩薩言佛子諸世界海
有種種體悉應當知所謂一切寶莊嚴體或
一寶體或金剛堅固地體或衆香體或日珠
輪體尔時普賢菩薩以偈頌曰

或有世界海

眾寶所合成

堅固不可壞

安住寶蓮華

或勝光明起

清淨暉炎照

眾妙莊嚴刹

依止虛空住

或有光明刹

依止光明住

光明雲莊嚴

諸菩薩宮殿

或有佛刹海

猶如電光住

言取不可得

斯由願力起

或有摩尼寶

日光明藏照

貫真珠輪地

菩薩悉充滿

或有寶炎刹

光明雲蔭覆

一切寶莊嚴

悉皆有變化

或有眾相體

微妙相莊嚴

間錯雜寶冠

一切佛所化

心海業所起

國土隨樂住

喻如幻無方

皆從妄想生

如來身光明

摩尼刹安住

正覺雲彌覆

一切佛自在

或普賢菩薩

化現佛刹海

一切寶校飾

願力所莊嚴

尔時普賢菩薩告諸菩薩言佛子諸世界海
有世界海微塵等莊嚴悉應當知所調一切
境界種種雲莊嚴一切世界衆生行業莊嚴
三世諸佛及普賢菩薩願力莊嚴有如是等
世界海微塵數莊嚴尔時普賢菩薩以偈頌曰
如世界海微塵等
不可思議業果報
種種嚴淨廣無邊
一切十方世界海
上妙功德常充滿
無量淨色普莊嚴
聞于一切諸佛刹
雜光明雲出梵音
妙聲遍滿一切刹
菩薩無量功德海

諸誓願雲具莊嚴

衆生業海廣無際

業報如實隨應變

一切三世諸如來

一一境界一切佛

過去未來現在劫

於無量劫淨莊嚴

一切境界諸佛雲

佛自在行令衆知

衆香炎流及華流

種種衆妙莊嚴雲

十方世界諸道場

聲震十方世界海

淨莊嚴雲出妙音

諸佛力故悉周滿

自在普現無量刹

莊嚴刹海皆悉見

一切十方諸世界

一一佛刹皆悉見

數等衆生滿十方

是謂如來莊嚴刹

一切衆寶摩尼流

皆悉校飾諸佛刹

一切衆具妙莊嚴

靡不覩見此刹海

猶如空中電光現

普賢菩薩佛子等

悉能莊嚴諸佛刹

衆生等劫淨行海

於此世界悉顯現

尔時普賢菩薩告諸菩薩言佛子當知諸世

界海有世界塵數清淨所謂菩薩親近善知

識成就諸善根等利一切衆生淨滿一切諸

波羅蜜安住一切行地有如是等世界塵數

清淨尔時普賢菩薩以偈頌曰

一切佛刹諸莊嚴

無數願海方便生

一切佛刹清淨色

無量行海所修習

久遠親近善知識

一切淨妙諸業行

慈悲普流潤衆生

是故清淨佛刹海

一切法門三昧地
禪門方便清淨地
能起無量清淨心
以忍方便淨無垢
興功德雲滿虛空
衆生普獲無量德
刹海方便等無量
修無盡願波羅蜜
幻化行起無有量
種種方便淨衆生
方便嚴淨一切地
令諸衆生竭苦源
修淨力海無與等
恭敬供養無量佛

一切佛所淨德海
是故嚴淨佛刹海
信佛堅固不可壞
莊嚴刹海微妙色
利益一切修淨行
是故嚴淨佛刹海
悉淨諸度無有餘
是故嚴淨佛刹海
一切諸法廣清淨
起是可樂佛刹海
具足諸佛功德海
是故嚴淨佛刹海
能淨一切衆生根
是故嚴淨佛刹海

修淨力海無與等

能淨一切衆生根

恭敬供養無量佛

是故嚴淨佛刹海

爾時普賢菩薩告諸菩薩言佛子當知一
世界海有世界海塵數諸佛出興于世所謂
有佛興世色身示現遍滿法界或有短壽或
無量劫如是一一世界海有世界海塵數佛

出興于世爾時普賢菩薩以偈頌曰

佛以無量方便門

能起一切佛刹海

隨順衆生所欲樂

諸佛法王出興世

如來法身不思議

無色無相無倫疋

示現色身為衆生

十方受化靡不見

或為衆生現短命

或現長壽無量劫

法身多門現十方
或有能令不思議
或有能淨一刹土
或說不可思議乘
或有如來說一乘
自然無師得正覺
或有能於一念中
或有於一毛孔中
充滿一切十方界
或佛音聲振十方
無量億劫不斷絕
或有無量莊嚴刹

常為世間良福田
十方刹海悉清淨
是彼方便願所生
佛普示現隨所樂
是佛方便無有量
或有濟度少眾生
化度無量眾生海
化佛雲出不思議
無量方便化眾生
隨諸眾生所欲樂
度眾生海無有邊
清淨大眾圍遶坐

充滿一切世界海
是佛方便不思議
入諸莊嚴方便門

佛遍處衆如空雲
慈海充滿遍一切
悉現一切衆生前

尔時普賢菩薩告諸菩薩言佛子當知世界
海有世界海微塵等劫住所謂佛刹海或住
不可數劫或住可數劫有如是等世界海微
塵數劫住

大方廣佛華嚴經卷第三

坐

